

SCRIPTA

Numéro Scripta : 3775

Auteur(s) : Lisieux (official)

Bénéficiaire(s) : Philippe III le Hardi, France (roi)

Genre d'acte : charte

Authenticité : non suspect

Datation : 1274, 25 mars

Action juridique : autre

Langue du texte : latin

Analyse

L'official de Lisieux fait savoir que Clémence, femme du chevalier Richard de Courtonne[-la-Ville], a reconnu la vente et la concession faites par son mari Richard au roi Philippe [III].

Tableau de la tradition

Éditions principales

a. Delisle Léopold, *Cartulaire normand de Philippe-Auguste, Louis VIII, Saint-Louis et Philippe le Hardi*, Caen, Harde l (MSAN ; 16, 2e série, 6, p. 160-390), 1852, n° 836, p. 195.

Texte établi d'après a

Omnibus hec visuris officialis Lexoviensis, salutem in Domino. Noveritis quod, in nostra presentia constituta, Clementia uxor Ricardi de Cortonna Abbatis, militis, cum auctoritate ipsius militis, coram nobis presentis, et auctoritatem eidem quoad hoc dantis, confessa fuit et recognovit, spontanea, non coacta, se ratas et gratas habuisse et habere vendicionem et concessionem factas a dicto Ricardo, marito suo, excellentissimo domino Philippo, regi Francorum, super septuaginta libratis turonensium annui redditus, percipiendis et habendis a domino rege, videlicet quadraginta libratis super feodum lorice dicti militis de Cortonna, et residuum super dimidium feodum lorice ipsius militis de Essartis, videlicet medietatem in festo Sancti Michaelis et aliam medietatem in Pascha Domini. Et confessa fuit et recognovit quod de precio eidem militi extiterat satisfactum. Juravit etiam dicta mulier cum auctoritate predicta quod contra predictas vendicionem et concessionem, ratione dotis, dotalicii, maritagii, hereditatis, seu quacumque alia ratione non veniet in futurum, et quod in dicto reddito nichil de cetero reclamabit. Quod omnibus quorum interest aut interesse potest, tenore presentium, sigillo curie Lexoviensis sigillatarum, significavimus. Datum anno Domini M° CC° LXX° tercio, die dominica in ramis palmarum.